

Broj: 101-946/18
Datum: 26.06.2018.

Na osnovu člana 50. Statuta Radiotelevizije Bosne i Hercegovine, člana 70. stav (1), (2) i (3), člana 71. stav (1) i (2) Zakona o javnim nabavkama Bosne i Hercegovine ("Službeni glasnik BiH" broj 39/2014) i člana 200. Zakona o upravnom postupku Federacije Bosne i Hercegovine ("Službene novine Federacije BiH broj 2/98), a na prijedlog Komisije za javne nabavke ugovornog organa Radiotelevizije Bosne i Hercegovine, donosim

O D L U K U

kojom je za najpovoljnijeg ponuđača za *nabavku usluga osiguranja od odgovornosti za upotrebu motornih vozila, i to obaveznog osiguranja od autoodgovornosti, kao i punog kasko osiguranja motornih vozila u voznom parku ugovornog organa Radiotelevizije Bosne i Hercegovine na period od 3 (tri) godine* izabran ponuđač **TRIGLAV Osiguranje d.d.** iz Sarajeva.

O b r a z l o ž e n j e

Na temelju Odluke generalnog direktora ugovornog organa Radiotelevizije Bosne i Hercegovine br. 101-274/18 od 05.03.2018. godine Komisija za javne nabavke je pokrenula, po drugi put, proceduru po otvorenom postupku nabavke koji za predmet nabavke ima *nabavku usluga osiguranja od odgovornosti za upravljanje motornim vozilima, i to obaveznog osiguranja od autoodgovornosti, kao i punog kasko osiguranja motornih vozila u voznom parku ugovornog organa Radiotelevizije Bosne i Hercegovine, uz predviđeno zaključenje ugovora sa najpovoljnijim ponuđačem na period od 3 (tri) godine.*

Na predmetni postupak nabavke, objavljen 14.05.2018. godine pod brojem 113-1-2-42-3-40/18 na portalu elektronskih javnih nabavki www.ejn.gov.ba, kao i u „Službenom glasniku BiH“ br. 32/2018 od 18.05.2018. godine, a u skladu sa članom 25. Zakona o javnim nabavkama Bosne i Hercegovine, ponude su dostavila 3 (tri) ponuđača i to:

- | | |
|---------------------------------------|--------------|
| • TRIGLAV Osiguranje d.d. – Sarajevo | KM 46.797,00 |
| • SARAJEVO Osiguranje d.d. – Sarajevo | KM 55.687,80 |
| • EUROHERC Osiguranje d.d. – Sarajevo | KM 21.201,81 |


Provjerom primljenih ponuda Komisija je ustanovila da je samo ponuda ponuđača **TRIGLAV Osiguranje** u potpunosti validna, u skladu sa Zakonom o javnim nabavkama Bosne i Hercegovine i zahtjevima ugovornog organa navedenim u tenderskoj dokumentaciji, pa je uzeta u razmatranje za dalju valorizaciju. Također, Komisija je iz daljeg postupka eliminirala ponuđače **SARAJEVO Osiguranje** i **EUROHERC Osiguranje**, jer je ustanovila da su njihove ponude neprihvatljive iz razloga detaljno navedenih u Izvještaju Komisije za javne nabavke, koji čini sastavni dio ove Odluke.

Nakon svega navedenog, uzimajući u obzir priloženi Izvještaj Komisije za javne nabavke, te činjenicu da se dodjela ugovora, sukladno članu 64. stav (1) tačka b) ZJN, zasniva isključivo na najnižoj cijeni tehnički zadovoljavajuće ponude, ugovorni organ Radiotelevizija Bosne i Hercegovine odlučio je kao u dispozitivu ove Odluke.

Pouka o pravnom lijeku

Protiv ove Odluke dopuštena je Žalba ugovornom organu, kao prvostepenoj instanci u postupku, u roku od 10 dana od dana prijema iste u pisanoj formi, a u skladu sa članom 101. stav (1) tačka d) Zakona o javnim nabavkama Bosne i Hercegovine.

Saglasan:



**Generalni direktor BHRT-a
Belmin Karamahmedović**

Dostaviti:

- TRIGLAV Osiguranje d.d. – Sarajevo
- SARAJEVO Osiguranje d.d. – Sarajevo
- EUROHERC Osiguranje d.d. – Sarajevo
- Arhiva